



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 15. S. Tetricus Antissiodorensis.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæcul. VIII.
A. C. 708.
nasterio Insulæ Barbaræ aliquamdiu moratus, etiam Agaliente inuisit. Ubi Italiæ fines attigit, Hospitem perbenigne excepit Aripertus Longobardorum Rex, qui cum causam suam precibus Viri Sancti commendasset, victoriam de Rege iuvene Lichtberto reportavit. Quod an-
Paul. Diac. no 705. contigit. Tandem S. Bonetus
VI. hist. c. 19. urbem intravit, & Sanctis Ecclesiis visitatis multos captivos pretio redemptos reduxit. Plurimas in eo itinere dispersit eleemosynas, & miraculis claruit. Ex Italia reversus, & Lugduni annis quatuor commoratus ibidem anno circiter 709, migravit e corpore. Reliquiæ ejus Clariomontium translatae, ejusdem memoriam Ecclesia decimo quinto Jan. colit.

Martyr. R. 15. Jan.

§. XV.

S. Tetricus Antissiodorensis.

Eodem ferme tempore obiit S. Tetricus Episcopus Antissiodorensis, qui circa annum 695. Scobilioni successit, & hanc Sedem annis quindecim tenuit. Antea Abbas Monasterii S. Germani fuerat, namque quatuordecim Monachi, quos inter sex Abbates fuere, ad Antissiodorensem Præsulatum evecti numerantur. S. Tetricus primo Pontificatus sui anno congregata Synodo rationem & modum præscripsit, quo Abbates & Archipresbyteri diversarum Ecclesiarum illius Diocesis

tom. 3. Act. Ben. p. 101. it. to. 1. Bibl. nov. p. 427. hist. Episc. Antiss. c. 24.

censis in Ecclesiam Cathedralē ad per-
 agendum ibi Officium Divinum veni-
 rent. Unde credendum, Clericorum
 Cathedralium numerum non fuisse ad
 hæc munera subeunda sufficientem. Pri-
 ma Januarii Septimana ordo tangebatur
 Monachos S. Germani, secunda Clericos
 S. Amatrii, tertia S. Petri, quarta S. Ju-
 liani, & sic de ceteris, singulis mensibus
 adnotatis, præterquam mense Septem-
 bri, quo forte vacatio ob vindemiæ tem-
 pus concedebatur. Oeconomus Eccle-
 siæ his Clericis per suam septimanam Di-
 stributiones necessarias præbebat, & qui
 sero veniebant, aut oscitanter officio va-
 cabant per dies quadraginta vino priva-
 bantur. Si Vicedominus vel Cellerarius
 ea, quæ debebat, non suppeditasset, in
 Monasterio ad agendam pœnitentiam in
 pane & aqua sex mensibus includebatur.
 Vicedominus Domum Episcopi specia-
 tim regebat; at Oeconomus omnia Ec-
 clesiæ Bona administrabat. Sæculo su-
 periore S. Aunacarius Episcopus Antissio-
 dorensis Statuta his non absimilia sanc-
 visse legitur. S. Tetricus dormiens ab
 Archidiacono suo, cui nomen Regenfre-
 dus, oppressus est die octavo Martii, at-
 que inter Sanctos Martyres colitur. Post
 ejus necem Sedes Antissiodorensis annis
 tribus vacavit.

Sæcul. VIII.
 A. C. 708.

Sup. lib.
 XXXIV.
 §. 51. hist.
 Episc. 6.

19.